

ՆԱԶԱՐ.– (Ժպտալով) Սրա՞նք են թագուհիները: Ինչ էլ փամփոփկներն են: Նստեցե՛ք: (Թագուհիները նստում են:) Ա՛յ հիմի բաղչում սուփրա կբանան, գնանք ծաղիկների մեջ նստենք, քեֆ անենք: (Մենեկապետին) Գեաղա՛: Գնա ասա լաւ չարագով սուփրա գցեն: Սազանդար կանչի, գան մեզ բաղչա տանեն: (Մենեկապետը գնում է եւ իսկոյն վերադառնում: Նազարը դառնում է պալատականներին:) Դուք էլ մեզ ճամփու կղնէք բաղչա ու յետոյ կերթաք ձեր գործին: Տերութեան գործերին լաւ աչք կանէք, գործերը կարգին են, թէ չէ կաշիների մաշկել կտամ, հա՛ռամզադաներ: Զա՛ւա : Իմացա՛ք:

ԲՈԼՈՐԸ.– Իմացանք, Կենտրոն տիեզերաց:

ՂՈՌՈՐՈՒՂԱ.– Զա՛ւմ, իմացա՛նք:

ՆԱԶԱՐ.– Զե՛ղ ով ասաւ բռռաս խանումների մօտ, իշի՛ կտոր: (Դիմում է թագուհիներին) Ե, խանումներս, ո՞նց էք, քեֆներդ, հալներդ:

ԹԱԳՈՒԶԻՆԵՐ.– (Խունջիկ-մունջիկ անելով ծիծաղում են:)

Ներս են մտնում սազանդարները եւ խոնարհ ողջունում են Նազարին:

ՆԱԶԱՐ.– Ապա՛, գեաղա, մի Զերաթի վեր քաշէք տեսնենք: Խանումներ, գնանք: (Թագը ծռում է գլխին: Թագուհիները քրքջում են: Սազանդարները նուագում են, երգում Հերաթի:)

ՈՒՍՏԻԱՆ.– (Ներս մտնելով՝ սկսում է ականջ դնել նուագին, յետոյ առաջ է գալիս դէպի նուագաբեմ) Զը՛... (Սազանդարները նուագում են եւ ապա մեղմացնում նուագը, Ուստիանը առաջ գալով) Տեսա՞ք դուք փսլնթոտ Նազարին: Երկու էշի գարի չէր կարում բաժնի: Տեսա՞ք ինչ փառքի հասա՞ւ: Մի՛տք ես անում, մի՛տք, ես աշխարհքի բանը, ճաքում ես, տրաքում, թէ ախր ես բանը ո՞նց է լինում: Չեմ իմանում, բա՛խտ է, Էլի՞: (Սազանդարները նուագում են ու կրկին նուագը մեղմացնում:) Տեսա՞ք ոնց է սարսաղացրել աշխարհքն ու վրայն ծիծաղում, թէ աշխարհքը սարսաղ է ու սարսաղ պիտի գնա՞: Դու ես սարսաղներին ասա, թէ ո՞նց են կատու կտրել Էդ նապաստակի առաջին: Բա՛խտ է, Էլի: (Սազանդարները նուագում են: Թագուհիները քրքջում են:) Զա՛, մե՛ծ գործի վրայ էք: Բախտաւորներ: Զո՛ղեմ ձեր անամոթ գլուխը: Նա էլ որ երեսին ամոթ չունի՞: Զը՛մ: (Մտածելով ու գլուխը թափ տալով) Դու Էդ թող՝ բախտին մտիկ, որ միշտ բերում է: Բա՛խտ է, Էլի: (Սազանդարները նուագում են պար: Թագուհիները հերթով պարում են:)

ՆԱԶԱՐ.– Այ ջա՛ն... (Ինքն էլ է պարում:)

ՈՒՍՏԻԱՆ.– Մի կաց, ես քո ապո՛րը կեփեմ: (Անկիւնից վերցնում է մահակը:)